


*Informantenan a mustra cu autoridad
mester tene cuenta cu posibilidad
**alarma a sirbi pa despista
autoridad di dropping?**
mester busca forma pa envolve militarnan
pa polis por vígila otro caminda*




DIARIO

E MATUTINO DI ARUBA

DIARANZON 13 FEBRUARI 1991

ABONADO PA LUNA 19,00 AFL. **PA EJEMPLAR 0,80 AÑA10/NO.3259



Despedida di Rey Momo 1991

Pasenshi di Israel ta cabando

JERUZALEM: Ex ministro di defensa di Israel, Yitzhak Rabin, segundo homber di e partido di oposicion, partido laboral a bisa cu "e actitud reticente di gobierno israeli ta yegando su fin".

El a bisa esaki den un entrevista cu television israeli despues cu Dialuna anochi Irak a dispara scudnan atrobe riba Israel heridando seis persona.

Rabin a haci un apelacion riba prome ministro Yitzhak Shamir y ministro di defensa Moshe Arens pa "stop di sconde tras di Merca".

El a laga sa cu "Shamir y Arens mester dirigi nan mes na pueblo y splica cu e reticencia ta un decision di Israel pero cu den caso di escalacion, manera ora di un atake quimico, e pais Israel lo no pidi Estados Unidos permiso pa actua pero cu lo bisa nan (Estados Unidos) cu nos ta drenta accion".

Durante carnaval
mas di 20 caso
di ladroncia
registra

Aruba
ta vulnerable
pa Epidemia di
colera for
di Peru

Irak ta persisti riba derecho di uso di arma quimico

BRUSELAS: Embahador Iraki na Belgica, Zaid Adar ta haya cu su pais tin tur derecho di usa arma quimico den e guerra. E diplomatico a bisa esey den un entrevista cu e corant frances, Le peuple.

Den e mes entrevista e ta desmenti cu Baghdad ta dispone di armanan nuclear. Nos tin derecho di usa arma quimico "na momento cu e territorio iraki wordo ataca", el a laga sa.

"Nos no tin nan pero si nos tin derecho di posee nan y usa nan".

Segun e diplomatico iraki, ainda tin espacio pa un dialogo.

"Irak ta habri pa un plan di paz cu ta restaura estabilidad den henter e region".

Zaid Adar ta bisa di ta convenci cu presidente Saddam Hussein lo sali como "triunfador politico" for di e guerra aki, awor cu "na Europa ta cuminsa realiza cu e guerra ta un guerra americano y cu ta

tumando lugar pa defende interesnan americano".

E embahador ta mira papel di belgica den e guerra como un papel sostenedor, apesar cu e pais a manda bapornan di guerra y avionnan pa golfo y Turquia.

"Esnan cu ta hibando e guerra di verdad ta Merca, Israel y Gran Bretaña cu Francia".

Riba e pregunta con grandi e peliger ta pa atentadonan di terrorismo den occidente como consecuencia di e guerra, Zaid Adar no kier a contesta.

"E embahador Iraki na Belgica ta mantene su mes na su autoridad. Nos ta forma pa 100 porciento un delegacion diplomatico" segun e embahador.

Arubaiano a biba entre atakenan Scud el a regresa Aruba cu su mascara di gas



E Arubiano Moris Friedman kende a regresa Dialuna anochi for di Israel, a trese cu ne su Mascara di Gas cu e la uza durante su estadia. Pa mas relato completo lesa pagina 3